

中法戰爭資料叢刊第三冊目錄

越法戰書	王氏輯	一
關外隨營筆述	無名氏撰	五
查探越南邊務情形稟	無名氏撰	七
克復諒山大略	無名氏撰	七
楊武愍公討法夷死事節略	楊汝翼撰	八
軍牘集要（馮宮保軍牘）	馮子材撰 張卿雲 莊秉衡合編	八
抱鄰山房詩文稿	尹恭保撰	一〇
越事備考	劉名譽輯	一〇
春冰室野乘	李岳瑞撰	一二
普天忠憤集	孔廣德（魯陽生）輯	一三
中法馬江戰役之回憶	探樵山人撰	一七
劉壯肅公奏議	劉銘傳撰	一四
劬齋文稿	羅正鈞撰	一五

鎮海縣志	楊敏曾等編	一七
浙東籌防錄	薛福成撰	一五
金鷄談薈	歐陽利見撰	三三
李維業之死	畢樂撰 張雁深譯	三二
李維業遠征記 (譯文)	馬羅爾撰	三六
山西北甯興化諸役 (譯文)	畢樂撰	三四
一八八四年法國進軍越南記	斯各特撰 林樹惠譯	三五
遠征諒山 (譯文)	黎貢德撰	三八
法軍諒山慘敗 (譯文)	黎貢德撰	四一
在侵略東京時期 (譯文)	加爾新撰	五〇
中法海戰 (譯文)	羅亞爾撰	五三

越法戰書

王氏輯

光緒九年歲次癸未正月分軍報

十三日，法國有兵船一艘，載兵五百名，駛往安南，其軍裝、槍砲另用船駁至海防。又聞尚有一兵船，載兵七百五十名續至。連法兵之前駐安南者計之，當有兵三千名，并水師、砲兵等核算，則約有四千光景。惟聞安南已發使往沿路砲臺隘口宣諭，凡法兵所到，不得攔截，讓其經過，故此法兵經行之地，可無鋒鏑之事。而中國兵之在北海者，現已撤退，殆法國駐華公使已與中國商議妥洽矣。

癸未二月分軍報

初三日，有法兵船名巴西惠爾，駛至烘磯地方，次日遂建法國旗幟而據其地。聞該處有煤礦，安南將以此礦獻之中國，故法國捷足先登也。至初六日，又有法兵船名哈默林，駛至該處，與巴西惠爾交替。十三日，巴西惠爾開輪前往安南京城，蓋駐安南之法公使令該船至彼以資保護也。

又有南定地方之安南撫臺，因慮法兵相侵，故設法欲在河口爲阻禦之策。法人知之，卽由海內發兵船一艘名伯盧味耶，前赴該處。先是，該處已有法兵船兩艘，一名思不來思，一名方法里，并此而三，逕往攻取。因

十三、四兩日，潮水不便，尚未進兵，大約數日內必將進取南定矣。其法兵之在河內者，既前赴南定，復調海防之兵百名以守河內。又聞有兵船兩艘由西貢而來，一名得刺克，一名加佛林，皆將前赴海防云。

癸未二月分軍報

安南南定地方之撫臺，深信中國之必將力爲保護，故雖有安南王令旨，命其讓地與法人，而不肯奉詔。法國有一兵船常至南定。一日，撫臺至船問其何故時來此地？如欲戰，則不妨即日交綏，否則即當駛回，毋得逗遛；因此與法相惡。二月十五日，法人發兵船七艘，共裝兵八百名，至十七日行抵南定。十九日，南定各官率安南兵及華兵約二萬人與法人接戰。——華兵乃係寓安南華人中之遊手者，安南人招募成兵以禦法人。彼此開仗，轉戰終日，法兵之死者兩人，被傷者數人，安南兵之死傷者則不知其數。至二十日，法人遂入南定而據其地。安南人知法兵由河內調來，盛兵攻南定則河內必虛，爰於十九夜間以兵二千餘襲攻河內；而法人早有準備，復爲所敗，死十人，傷者無數，法兵受傷者止四人。槍砲戰伐之聲震動遠近，內地所居之安南人暨華人均紛紛遷避。爾時，又值攻南定之法兵船有一艘駛回，內有法兵五十名，亦與河內法兵相合，聲勢益壯。該船言及法兵用炸藥將南定城門轟壞，乘勢入內，法兵官某爲砲彈擊中其腿，醫生即將其腿截去。所有安南之華兵約有三百人，則在某處據險自顧。法國新得南定之後，駐紮南定之兵官，擬請增兵二千人云。

二月十八日，法兵進攻南甸城，一時砲火若雷轟，鉛丸如雨墜，越兵不能支；翌日城破，法兵據而有之。是役也，法兵被傷者祇數人而已；游擊哥利之足爲彈所傷甚重，業經醫生察驗，將足截去，未知其果能奏效否。

也。南甸總督於城破時逸出，潛遁於是省之南，意欲糾合餘衆，再整戎行，復與法國相抗。聞義督麾下現尚有兵一萬二千至一萬五千云。是其士卒亦可謂衆矣，何以不能背城借一也？曩者河內之役，城破之日，總督黃子遠死之。見危授命，城亡與亡，斯無愧爲守土之臣焉矣。

法國協鎮利威，昨經駕有砲船三艘前往河內。越人見法船來，欲與爲難，因擐甲執戈以待其至。二月二十日，有越兵一旗頗稱勁旅，由北連處地方馳赴河內。法軍聞之，卽遣水師兩隊並由理柯弼兵船撥兵一旅，以敵越軍。二十、二十一兩日，互相鏖戰，砲火殷天，有若赤龍萬道。越軍卒爲法兵所敗，大潰而奔，退駐北連，遺失大砲數尊，皆爲法軍所取。是役也，法兵傷者七八人，而未聞有殞命於疆場者也。越軍中有華人所持快槍，甚屬精捷，惜其未諸施放，故不能收效也。

二十六日，有法國勁旅一隊，約三百人，並有砲船兩艘隨其後，由河內起程前往北連河口，毀越人所築之閘。——蓋越人恃此以阻截法之船舶者也。

昨有嘉新及魯甸兩砲船由香港至海防，聞域多利士及威刺士兩船不久亦將駛至。由是蟻艦巨艦，羽集鱗萃，法與越人必決一戰以分勝負。然越非法之敵也；中朝要當爲之從中調停，保小邦，扶弱國，持危定傾，以底於安，謂不當以義維持之也哉？

西人傳言，李傅相有簡放兩廣、雲南三省經略之信。茲聞此說頗確，並聞劉省三爵帥、楊厚菴制軍均有召用之說，想爲安南之事也。又聞招商局有輪船在越南運米，近爲法人所扣留，船貨一併截住。似此，則中法之釁已駸駸乎將決裂矣。夫安南素爲中朝屬國，今遭法人之侵陵，中國若置而不問，似乎有失國體；然因安

南之故，而中法多年輯睦之誼，一旦輕絕，化玉帛爲兵戎，至兩國人民均罹鋒鏑，不得安享昇平，殊非策之上者。惟願法人降心以相從，中國不失夫大體，棄嫌尋好，保泰持盈，此則如天之福耳。

又招商局之海琛輪船將駛至金陵，迎接李傅相，並云中朝已寄諭李傅相，有不必來京，即速南行，就彼募兵十萬，結營二百餘座等語。越南兩使臣來津後，屢接郵音，知越南與法軍開仗，三戰三北，危如累卵，因思在津乞救，尙非善策，日內擬東裝督京，將效秦廷之哭也。

近來法國兵船在上海、香港一帶海面，不時來往；上海諸西人咸疑爲法人將以防中國發兵南下。又閱外國報，知法國又發一兵船來華，已於三月廿四行抵新加坡。然則，法人之意誠叵測哉！

法國前擬定用兵安南之兵費數目，現在各官均已議准，外務大臣并言辦理此事不畏中國阻撓也。

初十日，有法國委員，昨經關門聚會，論及越南之事，撥國帑接濟軍餉。經詢謀僉同，籌有款項，源源接濟，使無窘乏矣。據外務大臣對衆宣言，謂我國朝野同心，兵精財足，以此制敵，何敵不摧？以此攻城，何城不克？中國即欲與我法國爲難，舍玉帛而以兵戎相見，吾知衆志足以成城，亦可志無所怯矣。噫，觀此電音，是法國貪賴越南之土地，明目張膽，以與中國相構釁也。然國勢之強弱何常？理直則氣壯，中國爲保藩服計，夫又何怯！

（編者按：「關門」者，國會之音譯。）

中國爲安南一事，恐法人將開衅端，特簡李傅相經制兩廣、雲南三省軍政，并召宿將以備干城之選，調集兵艦，齊赴烟台，聽候調用。議者紛然，僉謂中法之構兵在所不免。然觀近日電報，則法人擬備軍餉五百萬，法郎克，調兵一萬二千，是皆爲從事安南東京起見，初未聞有與中國爲仇之意。且法國兵船在華者殊少，亦

未聞目前有另調兵船來華之信。然則，中法之好尚未顯然決裂；倘得善爲措置，或不難仍敦舊好也。

倫敦十一日發來電報，登諸香港西字報云：守河內之法兵爲越南之兵所圍。法兵欲出，而爲越兵所阻，仍復退守河內，已發信請在安南之法國將軍速發援兵，以圖內外夾攻云。又云，中法將有戰意，法廷已諭知駐安南東京之法將軍，統兵至中越交界之處，以遏華兵之來路云。

法國因知法兵困於河內，故將水師兵船并鐵甲船三艘盡數開往安南東京，大有欲得甘心之意。然則，安南其將何以堪之？

癸未四月分軍報

前月廿六日，西字報言：有法國兵船將河內被困之法兵業經解圍矣。又稱黑旗兵約有一萬五千人。法兵三百人，由河內出隊，被越兵攻殺，計法國員弁兵士死者約二百人，元帥李威利亦與其難，並有味拉兵船上之兵官五人皆殲焉；某兵官臂有五條金線者喪其元，爲黑旗兵擄去，其餘兵官之被殺者，則法兵將其尸首搶回，蓋黑旗兵用埋伏計以斃法兵也。惜舉號略連，（速？）法兵尙不至全軍覆沒；倘再遲，則法兵深入重地，必致無噍類矣。又聞黑旗兵人定有賞格云，殺得法兵官一名者，視其臂上金線之多寡以給賞；每金線一條則賞洋十五元，以次遞加。計法兵之在越南者，海防約有五六百名，南定約三百人。現在海防之商人聞此敗耗，皆有動搖之意，欲去而之他矣。

十九日，由海防寄來信息云：法國參將嘉羅，於初七日因傷殞命。蓋前攻南甸時奮勇當先，爲彈擊傷左

股，經醫士療治，將股割去，冀早痊愈；詎傷口猝難平復，又因流血過多，遂致慘斃。軍中感傷不已，以禮殯葬。

初六日，黑旗進攻河內，將城圍困，勢甚危急。探得其兵分作三隊：一隊扼守北寧險要，以絕法軍救援；一隊屯駐順化要道，以絕法軍消息；又一隊約有四千人，在新地通衢，更番接戰。皆有騎兵往來巡警，一處開仗，則彼此接應，不特聲氣相通，而且膽識兼雄，河內孤城似難久守，可爲寒心也。

初九日，法運遣兵一旗前往北寧，首先攻陷黑旗陣中，隨後有砲船三艘曰尼柯弼、曰布路花、曰芬花，從水道進發，俾在旁轟擊，以助陸路之軍。黑旗守禦甚固，法軍不能取勝，祇得收隊而回。

十三日，法軍復遣兵一隊往攻黑旗，法軍元戎李威利親自率兵五百人，攜戰陣大砲五門，於四點鐘由河內起程馳往，欲與黑旗開仗。行有兩點鐘之久，至一處，猝與黑旗伏兵相遇，各放槍砲，相與鏖戰，一時砲若雷轟，彈如雨下，聲震天地，勢撼山河。戰約有一點鐘，法軍不能支持，潰圍奔北，弁兵授命疆場及受傷者不下百人，逃回之兵因亡五分之一，遂不能成軍。元戎李威利暨協鎮威刺士、兵總大崑、千總卑理利十、把總歷連及武弁數人，均被傷，先後殞命。計法軍在戰場死者約十六人，或二十人不等，受傷共四五十人，有三人退回河內，亦即氣絕。協鎮威刺士受傷甚重，回河內約六點鐘即斃。元戎李威利最稱勇敢，軍敗殿後，忽聞有兵遺棄大砲一門，元戎恐爲黑旗所得，復偕員弁數人奮勇殺入陣中，欲取回其砲，致爲黑旗所困，槍砲齊發，中彈殞命，員弁拚死將尸暨砲搶回。法軍因此爲之奪氣，嗣後須速獲勝仗，始能壯威而雪恨也。聞有法兵數名被傷不能行動，爲黑旗所俘，其若何處置，未得其詳，然究不堪設想矣。

法軍未收前三日，黑旗於晚間九點鐘突到河內，尋法國教民之居於城外者欲擄之回，以其爲法軍偵

探消息也。教民糾衆與戰，法國砲船五艘聞警齊撥兵役馳往救護，將黑旗擊退。未幾，復至，攻入教民之屋，將各婦孺或刺其鼻，或割其耳，或挖取其眼目，以致號哭之聲，悲不忍聞。

現河內城中半成瓦礫，滿目荒涼，不堪言狀。附近租界之屋宇，無論中西人及越人所居，法軍用火焚燒，或掘地道以火藥轟毀之，以便一望空闊，黑旗若至，砲船得以轟擊，使不得逼近城中也。居民各挈眷屬，攜貲財，遷徙遠方，其留居者不滿二千人。糧食既缺，雞犬全無，兵燹之禍，一至於此！

法軍現盼其國亟派兵來援，幾於望眼欲穿。然計程期，不久可有法兵到矣。說者謂，觀此情形，法國須遣兵二萬前來越南，乃足以資戰守；若兵微將寡，則難以決勝，而於事仍無濟也。

來信所言如此。嗚呼！強弱無定形，勝敗無定勢，用兵豈易言哉！

又西報云：近有華人附搭梳地船由海防到港，據稱法軍前日曾分兵一隊往攻黑旗，爲黑旗所敗，遂追至河內，將城圍困如鐵桶相似，水洩不通，事勢頗甚危急也。

西字報據云：法兵在河內被圍已久，嗣有兵船來援，李威利乃於四月初十日發兵四百五十名至河內，相近白銀河左側擊敗越兵。越兵受傷而遁，遺砲四尊，爲法兵所毀，法兵仍回河內。至十三日，李威利又率兵往攻黑旗兵，奮進至一小橋，僅容一人來往。李威利先進，兵士繼之。甫渡及半，尚未列成陣勢，是處林木叢雜，黑旗兵突然開砲呼哨而來。李威利見勢不佳，雖有巨砲隨帶在後，不敢燃放，恐傷己兵，乃反身奔回。將及橋，忽兩彈子飛來，中於李威利腿上，不能步履。顧謂隨從某兵官曰：「僕不復能軍矣，請子開槍擊我，毋令爲俘。」該兵官隨以手槍擊李斃之。乃槍聲甫絕，而一彈適中該兵官之腦，亦遂并命。是役也，死者法帥李威利一人，

又兵官四人，水師兵十七名，受傷者兵弁二十人，兵三十四人。黑旗兵人亦遂退據松干地方，蓋防法兵之復仇也。法兵無主，有水師提督美也爾護理帥務，現將河內防守完密，恐黑旗兵暨越兵不能復逞也。

法國外埠新聞紙云：現有東京一事最爲緊要，應將一千八百七十四年與安南王立約之時所有各事詳述，以供衆覽。

爾時法國水師提督都伯來在西貢爲總督，安南王遣兩使臣與法督議訂和約，一使臣則和約未成卽已身故，一使臣則現爲安南首相。當初議時，言及法國保護安南一節，兩使臣執意不允。蓋緣真臘與法國立約亦有保護字樣，以華言譯之，則譬之子之於父，當盡孝敬之意。安南使臣以爲如此則安南之命受制於法國，不但使臣無所用，而王之權全失，安南一國亦不成爲國矣，此事決難允從。法督復將保護二字意義再三解釋，安使執不信。法督乃言曰：『爾國不肯從法國保護之言，顧何以獨久爲中國之屬乎？』安使忿然起對曰：『我國從來不屬中國。』法總督曰：『既非中國之屬，何以歲時進貢於中朝？』安使曰：『是非爲中國之藩屬而進貢也。緣中國大於安南，兵力又強，又與我國爲鄰，彼發兵來平我國之亂，我國不能與爭，故有進貢之舉；然進貢亦未有定規，惟發使至北京貢獻方物，何得因此而指爲屬國耶？』法總督乃許安南，倘有他國來相侵侮，法人當助安南以拒之。時法國駐華公使吉甫甫來，以安使所云並非因屬中國而進貢等語，述諸中國。中國初不置一辭，而目下與寶公使所議，則又另成一約。然則十年之內，皆在雲霧之中，故今日之事，別無他圖，惟有自盡其力之所能盡而已。

安南之屬中國歷年已久，海內外皆所共知。

法國現以普轄爲將軍，統帶駐安南之法兵，計法兵之在安南者共二千人，聞續派之法兵亦將近可到也。又云，聞法員哈滿前曾隨同攻取南定地方，嗣後又派往暹羅爲領事官，現在哈君已奉命爲總管辦理越南事務之員矣。

普轄將軍，屈指昨日可至河內。又云，黑旗人現已退去，河內地方並無該兵蹤跡矣。四月十三日，法兵敗粵之後，西貢地方發兵兩隊，於念一日抵河內，南定，一隊係法兵，一隊係法人所用之安南兵，計二百五十人。海防亦發兵兩隊，前隊五百人，後隊三百七十人，其中有砲手一百二十五名。既抵河內，即分四百兵前往南定。河內所有中西各奇均一律燬移，河內砲臺及法國租界之中間所有房屋均爲法兵燒燬，以便瞭遠，法兵即在其地紮營矣。現在法兵之在安南者，合計共三千人，又有安南之兵聽法人驅策者亦有三千；法國大小兵艦約有二十艘。法人言有此兵數，足資抵禦。黑旗兵合計約有二萬人，其中三千人所用之槍皆係購自外洋，極爲靈捷。又有雲南邊界之華人，共賦同仇，約有二萬人，皆願與法相對壘。目下法人兵勢尙盛，大約須進攻黑旗也。至法帥李威利之首級爲黑旗所獲，現在懸竿示衆。聞法帥之死，由於法帥正在定期進攻，其時有細崽兩人逃遁而去，即將其情告知黑旗，該旗先作準備，致遭此敗。又聞李威利並非陣亡，係身受重傷，爲黑旗所俘，亦未即殺，李威利取手槍擊斃該兵之副頭目，然後死，該兵乃割其首。又有西人於上月二十四日自海防來信，言二十四日下午五點鐘，有法兵船兩艘駛到，內有砲手，有步兵，所有應用糧糈充物其中。法國公使輪船派輪船一艘在彼往來，將來此船亦須裝兵。觀此情形，尙不難於雪前敗之恥矣。又言，河內相近之處有華人甚多，現在法人派兵船一艘，名祿丁，泊於河中，以遏華兵交接之路云。

法人爲攻安南一事，亦曾博諮於衆。有曾宦游西貢者言曰：法人之往東京，適值安南有雨，故此行恐不甚利。宜再發人至安南，與安南王重立和約，爲之保護，仍其王位，資其食用，與之婉商，吾知安南必然見從也。又有一人意亦相同，惟云：現在所遣安南之使臣未識能勝其任否？應傳知在安南之法官，令其就近妥辦此事，法人固宜襄助安南，以整頓其朝綱也。

四月二十六日晚，法軍又爲黑旗所敗，新陞之五道頭兵總亦受重傷，法兵傷斃多少則尙未得確數。緣是晚，天色陰晦，星月無光，黑旗潛赴法軍營前，先用稗人布列陣勢，形如鵝鸛，狀若虎貔，又用香燃火置諸稗人身上，以致火光掩映，迷離莫辨。法軍巡哨兵卒視而報警，一營盡起；而以夜黑不便接仗，祇命燃砲轟擊，以期退敵。詎擊至點餘鐘，而稗人仍屹立不動。法軍驚疑，列隊出營，瞥見稗人不勝怪異。黑旗之衆早作法人裝束，伏於暗陬。偵知法軍之心已亂，遂振臂一呼，而應聲四起，儼若天翻地塌，谷響川騰，殺入法軍中，奮力搏擊。法軍倉猝不知所爲，又不能分辨彼我，自相殺戮。黑旗痛殺一陣，乃收隊而還。法軍方知中計，惟面面相覷而已，回視兵總則受有重傷矣。

又黑旗於南甸城外數十里建築壁壘，四圍圍守，約有兵八、九千，二十七、二十八兩晚，曾到法營誘敵。法軍因屢遭喪敗，不敢出戰。後來法國兵船一艘由河畔燃砲遙擊，黑旗乃各散去；然駐南甸之法軍仍不敢出城也。砲船乃發兵登岸，將附近房屋用火焚燬，以免爲黑旗所算。土人無辜，遭此兵燹，流離失所，慘難言喻。昨有飛鷹火船載避難男婦前到海防，莫悉其數，殊可哀也。果如所言，則黑旗用兵頗向詭黠，而法軍之受創深矣。

四月二十八日，由越南順化友人攜有郵簡言：有是處人民，因法軍既奪東京，復攻南甸，志存蠶食，勢類鯨吞，不勝忿怒，皆有同仇之志，敵愾之心。以爲法軍不得逞志黑旗，將必來攻順化，不如先爲之備，背城借一，再作良圖。於是修器械，繕甲兵，以待其來，俾臨時得以一戰而奪敵人之氣，張國家之威。現時內河皆多設鐵鍊，橫截中流，以阻敵船駛進。又於各砲臺與役修築，派兵駐守，倘遇敵軍猝至，即燃砲擊之使退。觀越南臣民所籌畫亦甚有法度，且動於公忿，衆志足以成城。惟砲臺修築尙未得盡善，所用之砲，亦非新出利器也；若法軍來攻，而恃此以制勝，殊覺難耳。又越南軍營各器械多屬刀劍矛盾，儼如數百年前之物，朽鈍不堪，即兩軍肉薄相爭，亦難斬馘決俘也。間有新式槍砲，惟苦無多，故慮其不足以與法軍相抗也。順化城內官弁現巡防甚爲嚴密，凡船艘駛入，必詳爲詰問，不許輕進。保濟輪船到時，亦令停泊於外。後經船主偕同買辦與越南防軍說明，撥有兵士帶同往見某官，晤談良久，始命人放開鐵鍊，俾得進口云。又五月初一朝，法國南灣火船由海防到，其船主嘉梳稱說，前法軍與黑旗開仗一節，法元帥李威利雖云膽雄，實屬智少，並非老成練達大將之才也。當未敗之前一晚，李元帥與僚屬言，明日當進攻黑旗，姑滅此而朝食。適有華人之爲侍役者二人在旁，得聞此說，即潛往報知黑旗，且言須爲之備。黑旗因此探悉其進兵之路，預伏兵於林中。法軍冒昧前進，遂陷於伏。然其時已有員弁見路徑崎嶇，林箐幽密，恐有意外，向李元帥諫阻，請飭兵偵探，然後再定行止，切勿輕進。李元帥以爲膽怯，斥之使退，策馬當先，未幾，即遇伏兵齊出，槍砲並施，戈矛互舉。法軍倉猝不知所爲，元帥被彈洞穿小腹，又一彈傷其腰脇，遂仆於地。法軍見之，有兵二人趨而前，欲爲負歸。元帥自言爲賊所算，已受重傷，不能久活命，速以槍轟擊頭顱，使早殞命，勿受痛苦。兵向之哭，不敢動手，而黑旗已盡擁至前矣。元帥

揮兵使去，黑旗遂擄之回營，元帥氣尚未絕。後有帶兵官趨視，方欲詰問，而元帥已於懷去掣出手槍自斃其命。黑旗乃并法官一員梟斬其頭，以示於國中焉。法國駐劄西貢總督聞法軍敗績，即遣兵二百五十名馳往救援；內有一旗，乃越南土人，法官募之，練成勁旅，且藉以作鄉導也。海防法官亦發兵五百名前援，續又遣兵三百七十名，內有砲兵約一百二十五名。現計河內法軍約共一千七百名，而分兵三四百名往守南甸。法軍遂將法界附近之商民房屋盡行燒燬，使黑旗不能混迹其內，以施狡謀；而黑旗亦不復出兵與鬥，故法界與砲臺現可以傳遞信息也。旅居河內之西人盡遷往海防，以避兵燹，蓋以海防有法軍駐守，頗爲安靖也。河內一處，法軍守護甚爲嚴密，已不慮黑旗進攻。惟南甸則守兵無多，形勢單弱，黑旗若至，不能禦也。聞法軍之在東京者統計有三千名，而黑旗則屯在新地、北寧兩處。若法軍探實消息，獲有鄉導，將往攻之，不待法國救兵至也。現黑旗統計有二萬人，中有數千，所持槍砲乃後膛入藥者，亦軍中利器也。說者謂，現在情形，若中國遲疑觀望，不速決計助越南，法軍可不需救兵前來，亦足以逞其志。蓋順化一城，祇用砲船沿河巡察，以阻遏其運輸，則糧食不支，立見窘蹙，是所可慮也。惟道路紛傳，已有無數華兵由中國前赴越南，究未悉此言確否耳。又初二日，海南火船及和地氈火船由海防到港，並未得有越南軍情。惟聞法國駐西貢總督經發兵一千前往河內及南甸兩處，以資守禦耳。

十三日，法軍敗績，凡捐軀戰場者之首級，悉被黑旗斬去，傳示內地。聞有法國水師兵兩名，因傷被俘，本無性命之虞，惟被黑旗百端凌虐，真有求生不得，求死無從之苦。法人欲爲拯救而無計可施，於是遷怒及所俘之黑旗兵卒，由獄取出，用槍擊死，聊以洩憤焉。現法人陸續調兵前赴東京，以資戰守，計已有兵四千矣。惟

派守險要及出隊巡哨，尙未足用，必須多調兵來，始能壯威勢而備戰爭，蓋探聞中國將決計與法人開仗也。法軍亦知兵力單薄，故祇竭力據守河內，而未敢輕議出師以攻黑旗。邇來越南土人又皆不直法人所爲，咸有叛志，法軍愈形孤弱。黑旗屢次進攻河內，法軍出死力以守禦，故未能成功。而屋宇遭此兵燹，焚燒過半，瓦礫遍地，滿目荒涼，殊可哀也。南甸事勢亦甚危急，恆懼黑旗進攻，法軍晝夜不得安息。蓋城中祇有法兵四百名，已有百餘名染患痢症，經醫士多方療治，聞有十三四名病甚沉重，難免性命之虞焉。法人曾遣有救兵到南甸，惟人數不多，究無濟於事也。幸黑旗不甚苦攻，故盼望法國新兵調到，卽有生機矣。現時法國巴思華路砲船管駕官調往河內，以管轄軍兵，水師提督美渣則陞爲總統，節制全軍，將軍波滑又由西貢乘天理沙士砲船前來，約於明日可抵海防矣。現時東京事勢日有變遷，故盼救兵之到幾於望眼欲穿。法國駐順化公使仍在順化，惟無所設施。法人望其早到海防，以辦理事務，而管轄地方，蓋謂公使在順化，不獨無益於事，恐將爲人謀害也。歐洲各國商旅之在河內者，皆遷往海防，以避兵燹；其越南土人及華人之爲法人服役者，亦有二百餘人由河內到海防。然海防貿易場中，仍覺冷淡異常，並無交易。昨晚忽傳有黑旗來攻海防，商民得聞此耗，心甚惶恐，寢食不安，咸謂倘一旦被黑旗所獲，雖我等西人亦難保無虞也。若去歲西曆四月李威利元戎先將河內佔據，則今日不致多喪人命，虛糜餉糈，而有此變矣。蓋機宜速赴，疾雷不及掩耳，越南全土均可爲法所有，彼黑旗安能與之相抗哉？又法國將軍波滑擬由西貢起程前往，以攝元戎李威利之職，而管轄各兵，且俟法國救兵至，然後定計，以進攻黑旗。現時南甸地方已爲黃、黑二旗及越南人屯駐，祇城內有法軍防守。聞越南人現多有將髮剃去，祇留一辮效華裝束者。法軍之在南甸統計有四百名，附城屋宇盡遭焚燒矣。

法軍現按兵不舉，俟救兵到再商進止也。

又海防來信云：法國公司之依利沙士火船現留在西貢，以俟將軍波滑乘往海防。據傳將軍波滑經陞爲都督，以節制諸軍。若到海防，則水師提督美野可以回船，駕駛出海，往來巡哨，留心窺探李傅相舉動矣。

又聞法廷發有文書至越南，謂現經議院定議，專力以辦越事，即中朝欲爲干預，亦不復有所顧慮，惟決計與之一戰而已。蓋越南既與法國立約，即非復中朝藩服，無煩中朝越俎以代謀也。現有救兵行抵河內，軍氣稍揚，法人因此擬將出兵以攻黑旗，惟適值大雨滂沱，連日不輟，故暫緩啓行也。駐南甸之法軍現計有四百人，分守各砲臺，黑旗則從外築長圍以困之。法軍所持以通消息、資接濟者，賴有河道不礙船艘往來；黑旗亦以不得形勢不敢進逼，故法軍足以保守以待依利沙士火船載兵往援也。現道路紛傳，黑旗擬於日間往攻海防。法軍聞之，謂爲謠言，即彼果來，則林馬厲兵，以與接仗云。

外國新聞紙言：法國兩兵船，一名阿乃美式，一名美多於華，三月二十八日由法國都郎地方裝載兵糧，計可供七萬兵之用；又有軍械多件，及各兵船食物四百五十墩之多，每艘載兵一千，前赴安南。又有兵船名平和，定於四月十四開輪駛赴安南，皆裝水師各兵云。

又言，法國水師部大臣言，法國現簡安南使臣，必須令安南王於和約粘抄上簽名；允許法人保護安南一節，其徵收糧稅悉歸法國，該使臣必與安南王而議，他人不得參預。計以所收糧稅三分之一歸之安南王，以資用度。核計安南每年可徵稅餉三千萬法郎克，以三分之一供給法官、法兵之在安南者，再以三分之一爲安南整理諸務，其餘則歸之王。大約即安南所出以給安南之度支，足敷所用，無須法國帑項也。紅河南岸

地極肥饒，人民稠密，出產繁多，法國當爲保護。法兵現在安南者已足調用，但須略加增益。安南兵之經法人訓練者，亦能辦事。將來再加募練，則可省法兵之力，而法人於此可得一大利源。現在法國所派兵費，亦已擬定。決計發兵至坡，即或遇雨，然雨時可以按兵不動，俟晴霽後再行開戰。中國見法兵已至，則亦無煩饒舌；安南見法兵至，心思亦可有定也。

按此說殆尚在李威利凶耗未到之前。現在兵敗將亡，恐該水師大臣又將另爲籌策矣。

中國在德國五車岡船廠定造之定遠兵船於四月初四日試行，李丹崖欽使臨驗，并有水雷船四艘，一同試駛，計一點鐘可行十四諾脫零四分諾脫之一。又言荷蘭國新造極大之輪船名波利戲尼亞，可裝四千墩之多。當初下水時，其勢過猛，雖拋錨而不能止。適有巴西國輪船名布愛諾司愛立斯在碼頭裝貨，該船順水直下，突撞於巴西輪船之腰，勢將立沈。幸有兩輪船急將巴西輪船拖至淺處，人口尙無斃命，惟巴西輪船水手有數人受傷。現在兩船均各損壞，皆須大加修理也。

越南兩使臣乞援我朝，淹留析津，自春迄夏，聞者憐之。近來津郡傳言，中朝將大張撻伐之師，以與法人從事於疆場，必不使安南抱向隅之戚。兩使臣聞之，喜可知也。正使范君慎遜，因與副使阮君述互商，以國中之事，朝不保暮，意欲乘輪南下，籲懇傳相從速興師，且願執爰以前驅也。

中外新聞云：河內東北現有中國兵士六千名駐守，與劉軍駐營似相犄角，其兵士極爲雄壯，真有氣吞法軍之勢。聞又有兵六千陸續而至，又有六千由貴州調來。其兵本駐守中國、越南交界之區者，真百戰身經，見大敵而愈勇，紀律亦殊嚴肅。當黃昏之際及黑夜之時，詠杜工部出塞之詩：「落日照大旗，馬鳴風蕭蕭，中